

ألم نجعل له عينين | " معجزات خلق الله في العين " | و لو كره الملحدون ! | د. حازم شومان

حازم شومان

السلام عليكم ورحمة الله وبركاته. الحمد لله وكفى. وصلاة وسلاما على عباده الذين اصطفى. اللهم لك الحمد كله ولك الملك كله. وببيدك الخير كله واليك يرجع الامر كله. اللهم صل على عبدك ونبيك محمد صلى الله عليه وسلم. في الاولين والآخرين وفي كل وقت وحين. اما - [00:00:00](#)

بعض اخواني واحبابي في الله النهاردة هنهين في ملكوت الله سبحانه وتعالى. النهاردة هنعيش مع عضو واحد في جسمك. عضو واحد واحد في جسمك ولكن لو سلمنا قلوبنا للتدبر له. قلوبنا هتسجد تحت عرش الله سبحانه وتعالى. هنتكلم عن اكثر عضو في جسمك مليون معجزات - [00:00:40](#)

وهو اكثر عضو بنعصي ربنا به ليل نهار. هنتكلم عن العضو الذي لا ينام ليل ولا نهار. هنتكلم عن العضو اللي لما دار كان بينظر اليه كان يمرض من الاحباط. لان نظرية التطور مش قادرة تفسره جه منين ده؟ التركيب المعجز المعقد ده. ثاني - [00:01:00](#)
فقط تركيب في جسم الانسان بعد المخ ده ايه اللي بيفسره في التطور؟ هنتكلم عن عضو يا اما يحرق في جهنم. هنتكلم عن عضو واحد يا جماعة او مال لو اتكلمنا عن باقي اعضاء جسمنا ما نفدت كلمات الله. هنتكلم لو - [00:01:20](#)
في عضو واحد العلماء بقى لهم متين تلتमित سنة بيدرسوه. ولسه ما وصلوش لكل معجزاته. هنتكلم عن معجزات بترد على دوكنز وبترد على هوكينج وبترد على كل الملحدين في الارض. هنتكلم عن عضو واحد بس بيحيب اليقين في الله. اليقين في وجوده. اليقين في جلاله. اليقين في عظمتة - [00:01:38](#)

هنتكلم عن عضو ربنا ذكرنا به في القرآن. ألم نجعل له عينين؟ بصي كل ما هتبصي في المراية على عينيك وعلى رموشك وعلى حواجبك وعلى صاحبة العين وعلى دموع العين اللي العلماء قالوا ان تركيب دموع الفرح غير تركيب دموع الحزن - [00:02:00](#)
انا الخالق العظيم لو بصيت على عينيك هتتكسف وهتتكسر لله سبحانه وتعالى. لو افتكرت تركيب عينيك وانت ساجدة لله. قلبك يهيم مع ده لله سبحانه وتعالى. نتكلم عن ايه؟ ولا عن ايه؟ ولا عن ايه؟ العين يا اخواننا هي ثاني اكبر تركيب معقد في الجسم بعد - [00:02:20](#)

المخ عشان تقدر تشوفي ثلاثين مركز في المخ بيشتغلوا عشان عملية الابصار تبقى في غاية الوضوح. انا ببص دلوقتي وقلبي بيتخلع على الكاميرا اللي صورني على الكاميرا اللي بتبث الصورة بتاعتي لكم. الكاميرا وعيني نقارن ما بين الاثنين يا جماعة اقوى كاميرات العالم ايه؟ الايفون - [00:02:40](#)
قوته اتناشر ميجا بيكسل. اقوى كاميرة موبايل في الكرة الارضية. الاوبو عشرين ميجا بيكسل. عينيك خمسمية ستة وسبعين مليون بيكسل. مش خمسمية ستة وسبعين ميجا بيكسل. خمسمية ستة وسبعين مليون بيكسل - [00:03:00](#)
عارف البكسل يعني ايه؟ البكسل يعني لما تبص على الصورة منغمشة يبقى دي اسمها البكسل. كل ما البيكسل يزيد كل ما دقة الرؤية تزيد. يعني انا قاعد في الاوضة اللي حواليا - [00:03:20](#)

اللي انا فيه الكوباية صفرا والشاشة صفرا والنور اصفر وفيه زخارف صفرا وفيه شلتك صفرا هموت اصفر ولكن ما فيش اصفر زي الثاني. يعني العين بتشوف في كل لون اربعين درجة لونية. الانف بتقدر تشم خمسين الف ريحة. ولكن - [00:03:30](#)

العين بتقدر تشوف ميت مليون لون. ميت مليون لون. في حين ان الانف خمسين الف رائحة. عارفة يعني ايه ميت مليون وكمان يقول لك في في عينين النساء كمان اكثر دقة في الرؤية من الرجال كمان. يعني في طفرات عند بعض النساء بتخليها تشوف اضعاف هذا العمل - [00:03:50](#)

كمان ميت مليون لون في كل لون اربعين درجة. يعني ما فيش حاجة اسمها اصفر. الكاميرا دلوقتي ممكن تكون جايبة البدة بتاعتي لونها ايه. طب القميص لونه ايه ؟ طب الساعة لونها ايه ؟ انما انت لو جيت وقعدت معنا في الاستوديو ليه ؟ تضحك. لان الواقع مختلف تماما. فالكاميرا دي مهما كان البكسل بتاعتها عالية - [00:04:10](#)

الاب والعشرين ميجا بيكسل والايفون سكس بلاس الاتناشر ميجا بيكسل العين خمسمية ستة وسبعين مليون بيكسل. الكاميرا الواحد ببص الكاميرا ويضحك. انت عينيك انا عيني فيها مية خمسة وعشرين مليون كاميرا صغيرة في كل عين. لاستقبال الضوء مية خمسة وعشرين. يعني يعني ربع مليار خلية استقبال ضوء. ربع - [00:04:30](#)

كاميرا شكرت ربنا النهاردة كم مرة؟ قلت الحمد لله النهاردة كم مرة؟ على الربع مليار كاميرا استقبال ضوء اللي في عينيك دي. اللي بيخلوا الدنيا كلها بالالوان عينيك فيها نوعين من الخلايا. مش نوع واحد فيه نوع بيستقبل الاشياء. يعني انا شايف قدامي الوقتي مسلا آ استاز ياسر شايف الشاشة - [00:04:54](#)

شايف الكلمة ده استقبال الاشياء انا شايف الاشياء ولكن بلا الوان. فيه نوع خلايا ثاني بقى بيستقبل الالوان ويروحوا في الثلاثين مركز ابصار في المخ ويروحوا في نص المخ اسناء عملية الابصار نص المخ بيشتغل. عملية الابصار عملية مستهلكة استهلاك رهيب للمخ. بتروح الصور دي كلها في المخ. انا مش عايزك - [00:05:14](#)

بطل تسبيح. انا مش عايزك تبطلي سبحان الله وبحمده سبحان الله العظيم. انا عايزك تبص للفيلم وتجمع الكلام بتاعي مع الفيلم وتبدأ تتدبر عايزك لما تبص في المراية بعد كده لعينيك قلبك يتكسر. انا عايز الدرس ده تسمعه ثاني. تسمعه بس وانت واقف قدام المراية وقاعدة - [00:05:34](#)

بتبص لعينيك وقاعدة تبص لتراكيب عينيك. انت اصلا اي نظرة لتراكيب عينيك. قلبك يتخطف ده لو جوهرتين ما كانش ربنا عمل لهم كده. ده لو لؤلؤتين ان ما كانوش ربنا عمل لهم كده. فيه رموش اه الرموش دي عشان ايه؟ الرموش دي عشان التراب عشان زرة التراب ما تدخلش عينيك. لان العين حساسة جدا امال - [00:05:54](#)

اه في ناس بتقول الحواجب عشان التراب الكلام ده غلط. الحواجب مش ربنا بيحمينا بها من التراب. الحواجب عشان العرق. لولا الحواجب ما كانش واحد عارف يروح جيم ما كنتيش قدرتي تقفي في المطبخ ساعتين. ما كنتيش قدرت تشتغل ساعة واحدة في شغلك. الحواجب ما كنتيش عرفت تنزل تلعب ماتش كورة. الحواجب هي اللي - [00:06:14](#)

شيل عرق عن العين. والرموش هي اللي بتشيل التراب. وبعد كده بيت حجري بيحيط بالعين من كل ناحية. ايه يا رب ده! لؤلؤ جواهر الحماية الرهيبه دي عشان ايه يا رب؟ عشان عينيك اللي اغلى من جواهر الدنيا كلها. اللي اغلى من الدنيا عينيك. يا اما تحرر - [00:06:34](#)

ام على جهنم يا اما تحرق في جهنم. عينيك اللي هيسمع درس النهاردة وقلبه هيعيش معه قلبه هيسجد تحت عرش الله. هيفهم يعني ايه ما نفدت كلمات الله. احنا بنتكلم عن كلمات القدرة والاعجاز في في عضو واحد جسمك - [00:06:54](#)

ده مية وعشرين الف صفة مية وعشرين الف مكون بيكونوه. العين دي بتتكون من اربعين مكون لسة فيه مية وعشرين الف مكون انت تخيل يعني ايه عينيك؟ انت متخيل ان العضو ده اللي ربنا ملأه لنا ايات. العضو ده كان داروين لما ببص للعين بيمرض يقول كلما نظرت الى عين الانسان - [00:07:14](#)

يصاب بالمرض يصاب بالمرض ليه مش طب دي هيقل تطورت من ايه؟ طب ايه عينين المخلوق اللي تجيب عين الانسان منها اصلا؟ ما فيش. التركيب المذهل المعقد ثاني اعقد تركيب - [00:07:34](#)

في جسم الانسان بعد المخ. مش عارف يفسرها دي. دارود كان بيقول لو قدرتم تسبتوا. يا علماء اللي بيقولوا بان ربنا خلق وكان بينكر

طبعاً الموضوع يقول لو قدرتم تسببوا ان في تركيب واحد معقد في اي مخلوق انتم كده عدمتوا نزرية التطور. العين بتصفع

النظرية - 00:07:44

تماماً وبتصفع كل الملحد في الارض على على وجه الارض. لان التراكيب المعقدة اصلاً مالمية الكون. طيب النحلة النحلة اللي بالاشعة فوق بنفسجية بتكتشف الاماكن الازهار وتعلمها. وبتتعامل مع بعض بلغة الاشعة فوق بنفسجية. الانسان ما يقدرش يشوفها

اصلاً. اللي عين البني ادمين تطورت من ايه - 00:08:04

النحلة والرقصات بتاعتها اللي بتحدد زوايا ابعاد الزهرة اللي فيها الرحيق بالنسبة لنور الشمس. حتى لو يوم فيه غيوم جون فريش اللي خد جايزة نوبل على الاكتشاف ده على اكتشاف النحلة ازاى بتقدر تعمل خريطة ارشادية للنحل في الخلية على على الزهرة. اللي

فيها رحيق. تطورت من ايه - 00:08:24

العين دي تطورت من ايه؟ العضو اللي كان بيمرض داروين ده. العضو اللي لحد دلوقتي محطم معنويات التطوير. بتوع التطور والنشوء لقاء العضو ده تشكر ربنا عليه قد ايه؟ عملية الابصار يا جماعة عملية معقدة جداً. بيشترك فيها ثلاث اعصاب. ثلاث اعصاب

وبيشترك فيها الجهاز العصبي - 00:08:44

وبيشترك فيها اثنين مليون سلك موصل ما بين العين ومركز الابصار في المخ. وبيشترك فيها ربع مليار خلية استقبال ضوء في الشبكية. وبيشترك فيها سبعين مجموعة من الالياف العضية جوة العين. وبيشترك فيها بيشترك فيها حاجات رهيبه ثلاثين -

00:09:04

مركز جوة المخ. وفي النهاية تبص بها الحرام. وفي النهاية تشوف واحدة متبرجة تبص بها. وفي النهاية تبص بها لمقطع محرم انك تبص اليه اصلاً وفي النهاية لا يكون نظرنا عبراً ولا يكون نظرنا فكراً في خلق الله سبحانه وتعالى. الم نجعل له عينين عشان يبص

ويعرف مين هو الله ويصف - 00:09:24

الى الخالق من المخلوق ولسانا وشفتين عشان يركز ربنا بقى بعد ما بص بعينه. المفروض بعد العين ما تبص اللسان يشتغل. وذكر ربنا يشتغل ما تبطلش كلمة سبحانه الله وبحمده. سبحانه الله العظيم ما تبطلش كلمة سبحانه الله. ما تبطلوش تسبيح معه يا جماعة.

واحنا بنتكلم عن - 00:09:44

انشط عضلات في جسم الانسان. عضلات العين العضلات اللي ماسكة العين وبتحرك العين. العلماء قالوا هذه انشط عضلات في جسم الانسان عشان تخطي خطوة واحدة برجلك متين عضلة في جسمك بتتحرك. اربعين عضلة في رجلك ومية وستين عضلة في

ضهرك وفي باقي جسمك. عشان تخطي خطوة واحدة - 00:10:04

ومع ذلك يبقى العضلات لأ مع ذلك عضلات العين هي انشط عضلات في جسم الانسان. عضلات العين دي بقى حاجة كبيرة قوي تمانية جرام. كل العضلات اللي ماسكة العين من فوق ومن تحت انا ببص يمين شمال فوق تحت. طول اليوم انت كده اصلاً. انت حلقة عينك

بتفتح وبتقفل في اليوم ميت الف - 00:10:24

ومرة ميت سبحت ربنا ميت الف مرة النهاردة. استغفرت ربنا ميت الف مرة الحدقة دهى بس بتفتح وتقفل وتقفل لما النور يبقى قوي. يعني انا دلوقتي الحلقة بتاعتي تقفل عشان الكشافات في عيني. عشان النور ما يحرقش عيني من جوة ويتحافظ على العين. وتفتح

لو الدنيا ضلمة عشان تدخل نور كثير فتبقى الرؤية واضحة. بتفتح - 00:10:44

تقفل الحدقة ميت الف مرة في اليوم العلماء قالوا عضلات العين ديت نشاط جبار. لا يتوقف لحزة. فلما جم يحسبوا العلماء نشاط عضلات العين. قالوا ان النشاط اللي عينك في اليوم وانت قاعدة تبص لابنك وتبص لجوزك وتبص وتدققي في السلطة وانت

بتعملها وعينك قاعدة تفتح وتقفل قالوا انه - 00:11:04

تعادل العين بتبزل عضلات العين بتبزل في اليوم الواحد مجهود. يعادل انسان مشي على رجله تسعين كيلو متر في يوم ده عضلات عينك بس ده عضلات عينك بس بتبزل مجهود في اليوم يعادل ان انسان مشي على رجله. تسعين كيلو متر يعني من المنصورة

لبنها. تسعين كيلو متر - 00:11:28

ده بقى عضلات العين انشط عضلات العضلات دي تمانية جرام. كلها تمانية جرام. ولكن التمانية جرام دي بتفضل تشتغل تمانين سنة بلا توقف. وممكن مية سنة وممكن مية وعشرين سنة - 00:11:52

بلا توقف عينيك بتفتح وتقف بترمش سبعتاشر مرة في اليوم. وهنقول الوقتي معجزة الرمش لأ الرمش ده بيعمل ايه ؟ الرمش ده جهاز المساحات بتاع العين زي المساحات بتاعته احنا جايين من سفر النهاردة الدنيا شتت والمساحات بتاعتي بايظة. انا كنت هاتعمى مش عارف اشوف مساحات العين بقى عينك دي - 00:12:02

خش كل سانيتين كل سانيتين بتترش مية بالغدد الدمعية. يعني ايه بتترش ؟ يعني غسيل. يعني ربنا يعني انت بتاخدي عينيك بتاخذ دش كل سانيتين. عينيك بتاخذ دش كل سنتين. يعني عشرين الف مرة في اليوم. عينيك بتتغسل بدش رباني عشرين - 00:12:22

الف مرة في اليوم. وبعد كده رموشك بترمش سبعتاشر مرة في الدقيقة. يعني خمسة مليون مرة في السنة ليه ؟ عشان بعد ما العين اترشت بالغسيل يقوم المساحات شغالة بقى الجفون دي تقوم ناشرة الدموع بقى المطهرة المليانة مضادات حيوية ومطهرات للعين تقوم ناشراها في العين كلها - 00:12:42

عشان عينيك تفضل طاهرة وسليمة. طيب الوقتي يعني انا عايز اجيب اعلى عربية في العالم. اعلى عربية كريسزلر اعلى عربية جاكوار اعلى عربية بي ام اعلى في عربية سي مية وتمانين لو انا شغلت مساحات العربية دي عشرين الف مرة في اليوم. العربية ديت تبوز بعد قد ايه ؟ عينك دي ما بتبوظش تمانين سنة كل يوم عشرين الف مرة - 00:13:01

دش رباني للعين وفي النهاية بص عضلات العين تسعين لو بني ادم بيمشي كل يوم تسعين كيلو متر على رجليه ده الراجل ده بعد ثلاث اربع سنين هيدخل عناية مركزة وهيموت. من الاجهاد والاستهلاك. طب العين الضعيفة دي والعضلات دي كلها قد ايه ؟ تمانية جرام. يعني ايه تمانية - 00:13:21

يعني يعني ماش حاجة اصلا. الغدة النخامية اللي في المخ نص جرام. وبتفرز ستاشر هرمون منهم هرمون النمو اللي مسنول انك تبقى مية وتسعين سنتي او تبقى سبعين سنتي. هرمون نص جرام ببتتحكم في كل التفاعلات الكيميائية في جسمك. ولولاها كان الانسان مات. نص جرام - 00:13:41

الستاشر وما اتشكرنا ربنا على النعم دي. قلنا اللهم لك الحمد. اما بتبص في المراية الوقتي وبتبص لعينيك. هتفضل قلبك مش حاسس بنعم ربنا. ومش شاكر نعم الملك سبحانه وتعالى ومش عارف جلال ربنا في خلق العين لحد دلوقتي مش عارفين نعم ربنا قد ايه. جوة جسمنا ما نفدت كلمات الله. نعم ربنا - 00:14:01

جوة جسمك لو اتكتبت بمداد الكرة الارضية ستتكسر الاقلام وينفث حبر المحيطات ولا تنفذ النعم اللي في عينك بس. وان تعدوا نعمة الله لا تحصوها. احنا دلوقتي بنعد نعم ربنا في العين. ولن نحصيها ولن نستطيع ان نحصيها ابدًا. الثلاث عضلات اللي في الاذن الوسطى. الثلاث - 00:14:21

وزنهم نص جرام ومن غيرهم انت لا تسمع اي شيه. فعضلات العين دي تمانية جرام ولكن شغالة ازاي ؟ وبتعمل ايه ؟ للانسان وبتخليكي تقدر تشوفي بدقة رهيبة شكلها ايه وفي الاخر نبص بالعين للحرام. وفي الاخر الشاب يقف على ناصية الشارع يعاكس البنت. وفي الاخر البنت تقعد تكحل في - 00:14:41

وتعمل وتعمل ايلانير وتعمل مسكرة وترسم حواجبها وتكحل عينيها وتركب عدسات ملونة عشان تفتن الشباب عميها اللي كل زرة فيها بتتنطق باعجاز ربنا. اللي كل زرة العلماء قالوا مستحيل زراعة العين اصلا. طب مستحيل زراعة العين ليه يا رب - 00:15:01

العيب مستحيل تنزرع ليه قال لك لان العين متوصلة بالمخ باتنين مليون سلك اعصاب. العصب البصري ده فيه مليون سلك. والعصب ده والعصب يبقى اتنين مليون سلك. فقالوا طب هنربط - 00:15:21

اتنين مليون سلك ازاي في اوضة العمليات. مين الجراح اللي يربط اتنين مليون سلك ببعض في كل عين مية خمسة وعشرين مليون كاميرا صغيرة شمال النور يعني ربع مليار. طب الكلام ده يا اخوانا معجزات على معجزات عشان كده الوقتي لما تنزلي

السعودية في المطار يقول لك اتصوري بالكاميرا. هو مش - 00:15:34

بيصور حضرتك ولا حاجة. هو مش بيبورك وبيعرف صورتك. هو بياخد بصمة القرنية بتاعة العين. الله! طب هو ما ياخدش بصمة الصابع بس فيه ؟ لان العلماء اكتشفوا ان بصمة القرنية ادق من بصمة الصبع بصمة العين ادق من بصمة الصابع تمن مرات. قال لك ان كل عقلة صابع انسان بتتميز عن عقلة باقي - 00:15:54

البشر باربعين صفة. فعملوا اعتمدت الادلة الجنائية في العالم كله بصمة الصابع. جم بتوع العين بقى علماء العين اكتشفوا ان كل عين في القرنية فيه متين وخمسين صفة بتميزها عن كل عيون البشرية الباقية. عن السبعة مليار فقالوا انها ادق تمن مرات تمن مرات من - 00:16:14

بصمة الاصبع اللي كل اعضاء جسمك انت بتسبح ولا ما بتسبحش انت بتسبحي ولا ؟ العين اللي اكثر عضو ربنا ملاه لنا نعم ده اللي بيمرض الملحين الى اليوم وبيمرض داره وينداه. العين ده ايه اكثر عضو بنعصي - 00:16:34
ربنا اكثر عضو البنات بتقعد تكحله عشان تفتن الشباب به. اكثر عضو الشباب بيبصوا به على المقاطع الاباحية على اليوتيوب وعلى المواقع على الثلاثة مليون موقع اباحي وعلى اللي رايحة واللي جاية في الشارع ده اكثر عضو بناصر المفروض العضو ده اصلا لا نستعمله الا في شكر نعم ربنا والله العظيم - 00:16:50

ده يكسر قلوبنا. قلوبنا لشكر نعم الله سبحانه وتعالى. عضو في قمة النشاط. العين لا تتوقف عن العمل لحزة. على فكرة وانت نايمة. عينيك بتشتغل الاحلام اصلا العين بتقعد تتحرك فيها بسرعة رهبة. وانت بتحلمي - 00:17:10
العين شغالة ليل نهار حتى وهي مقفولة. شغالة ليل نهار. وعلى فكرة في معلومة مهمة جدا ان انت مش بتشوف بعينيك. انت بتشوف بمخك انت بتشوف بمركز الابصار في مخك. لاناك لو بتشوف بعينيك تغض عينيك ازاى تقعد تتخيل وانت شايف قدامك الاشكال والالوان. وفي الاحلام بتشوف ازاى وعينيك مقفولة - 00:17:25

فالعين هي اللي بتجيب المعلومات وتتحلل جوة العين وتوصل لمركز الابصار عشان مركز الابصار يشوف المعجزات اللي هي في الرؤية بالالوان طبيعية هذه المعجزة الرهيبة نشاط رهيب رهيب بيسكرنا بقول الله والناشطات نشطة. اذا كان ربنا ادينا مخلوق جوة جسمنا بهزا النشاط - 00:17:45

طب احنا مش نشاط في عبادة ربنا ليه ؟ مش نشاط في التدبر في خلق الله ليه ؟ يعني انت دلوقتي عينيك اللي ربنا اداها لك دي ما بتبصش بها على الفيلم ده ما بتسبحش ربنا على الفيلم ده - 00:18:05
بعد العين الرهيبة اللي بنوصف فيها دية العين دي يا اخوانا الحدقة بتتفتح وتتقفل مية الف مرة في اليوم. والعدسة اللي جوة بقى العدسة اللي جوة وتفتح وتتحدى بمئات عشرات الالاف من المرات في اليوم. والشبكية اللي جوة. الشبكية دي اعظم جهاز كمبيوتر على وجه الارض - 00:18:15

الشبكية اللي جوة دي يا اخواني في الله اه يعني الكمبيوتر بتاعها قادر على انه يجري عشرة مليار عملية حسابية في سانية. عشرة بليون يعني عشرة مليار عملية حسابية. كل سانية الشبكية دي الكمبيوتر بتاعها قادر من - 00:18:35

الامكانيات بتاعته انه هيعمل هذه العمليات الحسابية. الشبكية دي بتحلل في اليوم نص مليون صورة. وتنقلها للذاكرة في المخ. وعندها امكانية انها تحلل في السانية في اليوم اتنين مليون صورة. اسف يا اخواني معلش اسف الارقام ساعات الواحد عقله بيتوب منها. انها تحلل في السانية اتنين مليون - 00:18:55

صورة اتنين مليون صورة يا شباب ومع ذلك لان الانسان طبعاً دايرة آآ حياته مش كبيرة اوي للدرجة دي ربنا بيدي امكانيات اكثر من احتياجك جداً. يعني الكلى انت محتاجة - 00:19:15

آآ نص كلى عشان تعيشي اومال ربنا مديك كل دا ليه ؟ الرئة رئة واحدة تعيشك اومال ربنا مدي الكبد لما مريض بيحي له سرطان كبد ربنا يعافينا بيتنقل له فص - 00:19:25

كده من ابنه ولا بنته فص صغير كده امال الكبد ده كله ليه ؟ هو ربنا مديك بوفرة مديك كتير كتير وضعك كريم سبحانه وتعالى

00:19:35

شغال في عملية الابصار. النشاط المرعب - 00:19:53

00:20:13 - الخلق النشيط

00:20:33

شاء الله باذن الله. القرنية دي معجزة - 00:20:53

الصبح تلاقى ازاز عربيتك حصل فيه سرطان - 00:21:23

فيها اوعية دموية القرنية كان بقى زي ازاز في سرطان عين بالزبط. كتش تقدر تشوف - 00:21:44

دونی بل الظالمون فی ضلال مبین. ده وکنزو وهوکینج - 00:21:58

الرهيبة دي العضو المعقد العضلات اللي انشط عضلات فى جسم الانسان - 00:22:16

في الجسم ما بتتغيرش انت جسمك - 00:22:41

كل سانية ربنا بيديك مية خمسة وعشرين - 00:22:51

تماما من عند الله الخلاق العليم سبحانه وتعالى عملية الابصار الاعجازية ديت والملاح الاعجازية فى خلق العين داهية - 00:23:11

هنقدر وانتم عدوا نعمة الله لا تحصوها. مش هنقدر نحصى عدها امال - 00:23:31

سرعة الضوء طول الضوء يلف حوالين الكرة الأرضية سبع مرات ونص في ثانية واحدة. حاجة مرعبة. يعني انت لو ركبت

عربية ماشية بسرعة الضوء تلف حوالين - [00:23:45](#)

الكرة الأرضية من عند الخط الاستواء آآ سبع مرات ونص في الثانية الواحدة. شيء مزهل. لا يتخيله عقل انسان. تخيلوا بقى العين

اللي بيدخل فيها نور. ما هو انا دلوقتي - [00:24:05](#)

انا مش شايف قدامي الشاشة. انا الشاشة دي نور. النور بتاعها طالع منها دخل عيني. العين حللته والشبكية برمجته بعته على المخ.

المخ زبطه عمل عمليات البرمجة بتاعته طلع لي الصورة شفت الصورة. فنور. فالرؤية دي هي نور. تخيلوا بقى نور داخل في العين

بسرعة تلتصبت الف كيلو متر في الثانية. العين - [00:24:15](#)

اللعبة ما تستحملش. هذا النور الرهيب. قربنا عمل لك فرامل ربانية جوة عينيك الفرامل دي القرنية دي فيها خمسين شريحة بلورية.

القرنية دي عشر طبقات كنا بندرسها في علم الانسجة واحنا في اولى طب عشر طبقات - [00:24:35](#)

سين شريحة بلورية. طب خمسين شريحة بلورية ليه ؟ قال لك فرامل فرامل للنور. النور بيغطي. وبعد كده العين مليانة سوائل بقى.

سوائل البلورية والجسم الزجاجي اللي جوة العدسة. والسلاقي والسوائل الزجاجية - [00:24:51](#)

لان كل دي فرامل فرامل فرامل عم النور يوصل للشبكية يكون ايه ؟ يكون الشبكية تستطيع ان تتعامل مع العين. على فكرة يا

اخواننا زيدوا في الخلق ما شئت. ربنا لما خلق عين الانسان عين الانسان مش اقوى عينين في الوجود ولا حاجة. وهي كانت طبعا

اكثر عين فيها اعجاز. انما ربنا في بعض الصفات خلق عيون اقوى من - [00:25:06](#)

الانسان. يعني عين الانسان لا ترى الاشعة آآ فوق البنفسجية ما يقدرش اصلا يشوفها. ولا يدركها. النحل حياته كلها مرتبطة بالاشعة

الفوق بنفسجية يعني الانوار اللي منورة لنا دي وقاعدين شايفين بعض بسبب النور. اه الجزء المرئي من النور ده لان فيه اشعة غير

مرئية - [00:25:26](#)

النحل بيتعامل مع غير المرئية دي. يبقى لما النبي عليه الصلاة والسلام يقول ان الحمار اذا رأى شيطان شيطان هو فين الشيطان ؟ هو

رأى هو ربنا اما بيخلق العين الى كل - [00:25:44](#)

لعيننا امكانياتها. طيب البومة الاشعة بتاعته حمراء بقى البومة دي عايشة في الضلمة اصلا وقاعدة تاكل وتعيش في الضلمة. بتشوف

ازاي العلماء قالوا ان يقعد تحت حمراء. عينين النحلة النحلة لها خمس عيون. يعني اكثر من عيونك يا ابن ادم. مغرور على عيونه دي

حتة نحلة. الذبابة بتري اسرع - [00:25:54](#)

من الانسان خمس مرات اسرع من عين الانسان. عشان كده الدبابة اول ما تيجي تفكر بس انك انت تقرب منها تلاقيها طارت بعيد

عنك. عينيها رهيبه رهيبه تستطيع التعامل مع الاحداث حوالها بصورة رهيبه. الصقر يطير على بعد اتنين كيلو متر من الغيط. ويلقط

الفار وينقض عليه - [00:26:14](#)

الانسان مستحيل انها تشوف هذه الاشياء. ربنا خلق لك عينيك بكل المعجزات دي. ولكن ما تقدرش تشوف في الضلمة. الله خلق

عينين القطة تقدر تشوف الضلمة. طب انا ما اقدرش اشوف في الماية. الله خلق عين السمكة تقدر تشوف. في الماية آآ طب آآ انا

يعني انا آآ بشوف بعنيا الله خلق مخلوق يشوف - [00:26:34](#)

بودانه. الخفاش ما يشوفش بعينه اصلا. زي الفراشة مسلا الفراشة ما عندهاش وقت بقى تقعد تشم وتتزوق ربنا خلاها حاسة التزوق

بتاعتها في رجلها اول ما تقف على الزهرة كده تدوق الزهرة دي وتعرف دي فيها رزق لها ولا مش لازماها الزهرة دي في حاجة.

فتخيل ان الله خلق الخفاش يرى باذنيه. سبحان - [00:26:54](#)

الخالق العظيم. سبحان الخالق العظيم. اولم ينظروا في ملكوت السماوات والارض ؟ وما خلق الله من شيء. ما بيبصوش في

المخلوقات الجبارة الم نجعل له عينين ولسانا وشفيتين وهدينا النجدين فلا اقتحم العقبة. انت شفت الخلق الاعجازي ده في جسمك

يلا اقتحم بقى يلا - [00:27:14](#)

انطلق الى الله ما تفكرش هتفكرها ازاي وتحسبها مع اللي خلقك هو انت عينيك دي لما قال لك آآ يعني يا حي يا قيوم برحمتك

استغيث اصلح لي شأني كله ولا تكلني الى نفسي طرفة عين. اشمعني النبي جاب طرفة العين؟ طرفة العين اللي هي الرمشة دي اللي انا بعملها دلوقتي دي اللي هي العين بتعملها تلقائي - [00:27:34](#)

مرة في الدقيقة. فالعلماء قالوا اشمعني طرفة العين؟ العلماء دلوقتي بيقولوا ان اسهل رد فعل في جسم الانسان كله هي طرفة العين دي. فالنبي عليه الصلاة والسلام بيقول يا رب طرفة - [00:27:54](#)

عندي اللي هي اسهل عملية في جسمي كلها. يا رب ما تسبنيش انا اعملها. هو انت لو كان ربنا ساب لك آآ عملية الرؤية والبرمجة وتعامل المخ ونص المخ التعامل مع اللاتنين مليون سلك عصبي والتعامل مع الشبكية المربعة اللي بتبرمج عشرة مليار عملية حسابية في السانية الواحدة والتعامل مع عضلات العين التمانية جرام اللي بتمشي قد - [00:28:04](#)

بتبزل مجهود قد التسعين كيلو متر في انسان مشاوم في اليوم لو كان ربنا ساب لك ده. لو كان ربنا اوكل لك ترتيب السكر في جسمك. تزيبط السكر في اويعتك تظبيط الضغط في اويعتك الدموية. لو كان ربنا اوكل لك بس يعني الدورة الدموية جوة جسمك. كان زمانا ضعنا يا اخوانا - [00:28:24](#)

ولا تكلني الى نفسي طرفة عين. دلوقتي بقى نفهم الكلمة دي. نفهم ان يا رب يا رب ما تسبيليش حاجة لي ولحولي وقوتي وفكري وتخطيطي ورؤيتي وفهمي ويا رب كل حاجة تولى عمري فيها - [00:28:44](#)

تولى امري في كل شيء يا خالق السماوات والارض. آآ القزحية طبعا انا كان نفسي نتكلم عن حطة حطة في العين. آآ ولكن يعني خفت ان الموضوع يبقى اكايمي - [00:28:58](#)

شوية. فحببت ان انا اتكلم بصورة حية شوية. يعني على ان انا امسك حطة حطة كده بقى ونقعد نحلل القزحية دي هي السبب ان حضرتك ممكن يبقى عينيك زرقا وحاسة انك ممكن تطلبي مليون جنيه مهر. ليه ؟ عنيا زرقا هو مين اللي اداها لك اصلا؟ - [00:29:08](#)

عينيه عينيه عينيه خضراء عيني كزا عيني سودا. والعيون السوداء دي اجمل عيون اصلا طبعا كلنا عينينا بني. احنا مش آآ العيون السوداء دي حاجة فاتنة يعني ان العيون التي في طرفها الحور العين. الحور العين اللي هي العين ممكن تبقى شدة السواد مع شدة المياه. حاجة تحفة حاجة جبارة. فانت تخيل كده كل كل - [00:29:24](#)

مخلوق ربنا ادى له معلم جمالي. الفرس ربنا ادى له الغرة البيضاء الجميلة للفرس كده تميزه عن كل المخلوقات. المهرة ربنا اداها سحب العين الباهرة اللي تبص لها كده قلبك يدوب مع جمالها. الهدهد ربنا ادى له التاج اللي على راسه والجناحين بتوعه اللي يخطفوا القلب وهم بيطيروا في الشمس - [00:29:44](#)

النهاردة وانا جاي من الطريق شفت هدهد بيطيروا في الشمس كده واحد قلبه يتخلع الطاووس ربنا ادى له الديل. طب الانسان القزحية القزحية التحفة ده. التحفة ده اللي حوالين القرنية ده القزحية اللي بتدي اللون بتاع العين دي من معالم الجمال الباهرة في جسم الانسان - [00:30:04](#)

يعني سبحان الله لو كانت الدموع اللي بتفرز وبتترش العين كل سانيتين ديت كانت ما لهاش تصريف ما لهاش آآ مسالك مجاري آآ ما لهاش صرف صحي كنت مشيت تدمعي طول طول ما انت ماشية لقيت دموعك قاعدة تنزل ويبقى منزرك غريب جدا انما ربنا عمل قناة دقيقة جدا في الجفن - [00:30:22](#)

تاني اهي في الحطة اللي انا عامل صبي عليها ديت دي بتوصل على الانف فبتصرف كل الدموع دي في الانف. فانت قاعدة تبصي وتلاقى الشاب قاعد مع البنت على النيل كده وقعد يبص في عينيها ويعني تبص في عينيه - [00:30:42](#)

حرام والعين تزني وزناها النصب. العين تزني العين ده ايه تزني العين ده ايه؟ اللي ربنا اداك كل ده فيها تزني مهما اتكلنا مش هنقدر نوفي هذا المخلوق حقه. هذا المخلوق الاعجازي هذه العيب الاعجازية الباهرة المذهلة - [00:30:55](#)

هزا المخلوق المذهل مهما اتكلنا مش هنقدر نوفي هزه ودي عيب. امال لو اتكلنا في اللسان ولسانا وشانا. اومال لو اتكلنا في القلب ما له كده في المخ امال هو اتكلنا في النخاع المستطيل؟ اومال لو اتكلنا في العمود الفقري والنخاع الشوكي اومال هو ليه ربنا خلق السرطان؟ مئات الانواع من السرطان؟ عشان ربنا يقول لك حس بكل حطة - [00:31:14](#)

جسمك قيمتها ايه؟ هو ليه ربنا خلق في كل زرة في الجسم امراض؟ هو ليه ربنا خلق امراض العيون؟ عشان مش زي ما بيقول الملحين وليه الشر؟ لولا الشر ما كناش عرفنا قيمة الخير. ومين قال ان ده شر اصلا؟ سيدنا موسى لما حرم عليه المراضع مش دي شر. بس ده كان قمة الخير لمستقبله ولوالدته - [00:31:34](#)

ومين اللي بيحكم؟ ربنا هو اللي بيحكم واللي ادانا واللي خلق واللي دي حكمته. واللي ده علمه واللي دي قدرته واللي دي رحمته. واللي ده عطاؤه واللي ده واللي دي خبرته واللي ده رشده واللي دي قوته. واللي هذا الاله المخلوق الصغير ده - [00:31:54](#) بنصل به الى الخالق سبحانه وتعالى. يبقى نصل من العين الى الله سبحانه وتعالى الى خالق هذه العين العظيمة. نختم هذه الحلقة اخواني في الله. واحنا بيقول ان اكثر عضو فيه معجزات هو اكثر عضو عصينا به ربنا. اوعى تتفرج على موقع اباحي. اوعى تبص لنظرة حرام. اوعى تبص لراجل اللي هيحل لك انك تبصى له. اوعى تبص - [00:32:14](#)

امراة ماشية في الشارع مهما كانت فاتنة. اوعى تبص على حرام خلي عينيك دي في التدبر في خلق الله. شكر نعمة العين ان احنا نتدبر فيها في خلق الله سبحانه وتعالى - [00:32:34](#)

ان احنا نبص فيها في المصحف. انك طول الوقت تصلي ركعتين وتفتحي المصحف وتبصي وتبكي. شكر نعمة الدموع دهى الغدد الدمعية. شفت واحدة عندها نشفان في عين جفاف في العين! عزاب! عزاب وانت مش حاسة! وانت مش حاسة! شفت واحد عنده مائة بيضا! شفت واحدة عندها مائة زرقاء! شفت واحد ما بيشوفش! ولكن - [00:32:44](#)

ربنا ينور بصائرهم يا رب يعني شفت شفت كل ده انتم حاسين ربنا علينا قد ايه وحاسين ربنا سبحانه وتعالى ادانا قد ايه؟ شكر نعمة العين نبص في المصحف. شكر تعبت العين نبكي بها من خشية الله. شكر نعمة العين نتدبر فيها في خلق الله. شكر نعمة العين انك تقف قدام المراية دلوقتي وتبص لعينيك وتبكي - [00:33:04](#)

ندم على كل بصة حرام خرجت بالعين دي. لان عينيك دي في يوم من الايام هتتحط في الميزان. وهتتوزن وعينيك ديت في ناس عنيتها تسكنها الفردوس الاعلى بسبب العبادات والتدبر في الخلق وفي المصحف اللي بصوا فيه في عينيهم. وفيه ناس عنيتها دي هتنزلها والعباد بالله في قاع جهنم بسبب ان عينيها كانت هيئة - [00:33:24](#)

الارصاد على الحرام وكانت بتستشرف الدنيا ربنا بيقول لك لا تمدن عينيك الى ما متعنا به ازواجنا منهم. عينيك ديت ربنا ما ادهالكش عشان تبص بها للدنيا عينيك دي ربنا اداها لك عشان تصل بها من المخلوق الى الخالق سبحانه وتعالى - [00:33:44](#) ربنا يسدكم. لو فيه شاب ملحد يا جماعة حاولوا تفرجوه على فيلم زي ده. لو فيه بنت ملحدة زميلتك ولا واحد ملحد حاول تفرجه على فيلم زي ده يقول له الكلام ده كلام علماء - [00:34:00](#)

وكلام علماء الغرب كمان ردودكم ايه؟ طب الكلام ده جه ازاى؟ طب التطويرات الاعجازية دي ولسه ان شاء الله بكرة بقى في الدرس بعد المغرب في منافذ الكلمات والله مع تفسير سورة لقمان. بكرة فيه فيلم تاني في التدبر في الخلق ده رزقنا بقى باذن الله سبحانه وتعالى. وهنتكلم عن اية عشرة وحداشر في لقمان ونعيش مع التدبر في القلب - [00:34:10](#)

وفي الاخر نبص على الظلمة الملحين. اللي بينكروا وجود الله ونقول لهم هذا خلق الله. هذا خلق الله. الخلق ده فيه حد يعملوا غير اله عظيم قادر. نسأل الله نسأل الله العلي العظيم - [00:34:30](#)

اللهم يا ربنا اللهم اجعلنا شاكرين لنعمك. اللهم اجعلنا شاكرين لنعمك. اللهم اجعلنا ممن يستثمرون نعمك في طاعتك وشكرك اللهم ارزقنا شكر نعمة العين. اللهم ارزقنا شكر نعمة اللسان والشفيتين. اللهم ارزقنا شكر نعمة المخ والقلب - [00:34:46](#)

والاعضاء والجسد والجلد. اللهم اجعلنا من الشاكرين. اللهم اجعلنا لك صوامين. لك قوامين لك ذكاريين لك شكارين لك رهابين. اللهم اهدنا فيمن هديت وعافنا فيمن عافيت وتولنا فيمن توليت. وقنا واصرف عنا شر ما قضيت. اللهم اهدنا وسدنا. اللهم -

[00:35:06](#)

اعنا على ذكرك وشكرك وحسن عبادتك. اللهم الهمنا رشدنا وقنا شر انفسنا. يا ربنا ارزقنا شكر العين وشكر نعمة الخلق وشكر نعمة القرآن وشكر نعمك واجعلنا من الشاكرين. برحمتك يا ارحم الراحمين - [00:35:36](#)

سبحانك اللهم وبحمدك اشهد ان لا اله الا انت استغفرک واتوب اليک. وجزاکم - 00:35:57